




ՄԱՅՐ ԱԹՈՒ ՍՈՒՐԻ ԷԶՄԻԱԾՆԻ ՏՈՆԸ

Մայիսի 28-ին՝ կիրակի. «Տօն Կաթողիկէ Սրբոյ Էջմիածնի»՝ ըստ եկեղեցական օրացույցի:

Համակեղեցական մեծ տոնը Մայր Աթոռում նշվում է ավանդական հանդիսութեամբ:

Օրվա հանդիսավոր ս. պատարագը մատուցում է ուխտավորաբար Մայր Աթոռում գտնվող, Արևմտյան Եվրոպայի Հայրապետական պատվիրակ և Ֆրանսիայի հայոց առաջնորդ գեր. տ. Սերովբե արքեպ. Մանդուկյանը:

Ժամը 12-ին Վեհափառ Հայրապետը հանդիսավորապես առաջնորդվում է Մայր տաճար:

Տաճարը լիքն է ուխտավորներով ու հավատացյալների հոծ բազմութեամբ:

«Հայր մեր»-ի ժամանակ կատարվում է հոգեհանգիստ՝ ուխտավորաբար Մայր Աթոռում գտնվող, լիոնահայ եկեղեցական խորհրդի ատենապետ Կարպիս Ճընգըրոյանի ծնողաց հիշատակին:

Հավարտ ս. պատարագի իջման ս. սեղանի առաջ, Վեհափառ Հայրապետի հանդիսադրութեամբ, Մայր Աթոռի տոնի առթիվ, կուտարվում է հայրապետական մաղթանք:

Պատարագից սրբազանը իր բովանդակալից բարոյի մեջ անդրադառնում է Հայրապետական Աթոռի հաստատման, Հայաստանում առաջին և մայր եկեղեցու՝ ս. Էջմիածնի շին-

ության պատմական դրվագներին, ըստ Լուսավորչի տեսիլքի, «տեղիս այս եղիցի տուն աղօթից ամենայն հաւատացելոց և Աթոռ քահանայապետութեան» բնաբանով, և սրբտագին բարեմաղթութուններ է անում Մայր Աթոռ ս. Էջմիածնի անսասանութեան, նրա Գահակալի կենաց արեւատութեան, Հայց. առաքելական եկեղեցու պաշտօնութեան և հայրենյաց բարօրութեան և բարգավաճման համար:

Հայրապետական մաղթանքի ավարտին Վեհափառ Հայրապետը եկեղեցական թափորով առաջնորդվում է զահասրահ, ուր շնորհավորութուններ է ընդունում Մայր Աթոռի համաղգային տոնի առիթով:

Լուսարարապետ գեր. տ. Հայկազուն արքեպիսկոպոսը շնորհավորում է Վեհափառ Հայրապետին՝ հանուն Մայր Աթոռի միաբանութեան, Գերագույն հոգեւոր խորհրդի և բոլոր ներկա հավատացյալներին:

Արևմտյան Եվրոպայի հայոց հայրապետական պատվիրակ գեր. տ. Սերովբե արքեպիսկոպոսը, սփյուռքի բովանդակ հայութեան որդիական սերն ու երախտագիտութունը բերելով Հայրապետական Աթոռին և նրա Գահակալին Մայր Աթոռի տոնի առիթով, միջնորդելով խնդրում է, որ այս-ուրախ առիթով Հայոց Հայրապետը իր բարձր ուշադրութեան և գնահատանքին արժանացնի սփյուռքի

իր հարազատ զավակներից մեկի՝ լիոնահայ եկեղեցական խորհրդի ատենապետ Կարպիս Ճընգըտրյանի եկեղեցանվեր աշխատանքի, լիոնի հայոց եկեղեցու շինության գործում:

Վեհափառ Հայրապետը խորապես հուզված Մայր Աթոռի տոնի առթիվ արտահայտված շնորհավորական խոսքերից և ստացված շնորհավորական բազում հեռագրերից և գրություններից, օրհնում է ազգն ու եկեղեցին, հայրենիքն ու ժողովրդին՝ մաղթելով պայծառություն եկեղեցիներին, անսասանություն՝ Մայր Աթոռ ս. Էջմիածինն, բարօրություն՝ հայրենի հողին, խաղաղություն՝ աշխարհին:

Ն. Ս. Օծությունը ընդառաջելով տ. Սերովբե արքեպիսկոպոսի միջնորդությունը, բարեհաճում է ընդհանուր խանդավառության մեջ Կ. Ճընգըտրյանի կուրծքը զարդարել ս. Գրիգոր Լուսավորչի առաջին կարգի շքանշանով՝ որպես հայրապետական բարձր գնահատություն, նրա եկեղեցանվեր ծառայության:

Ժամը 3-ին վեհարանի սեղանատանը, Մայր Աթոռի տոնի առթիվ, Վեհափառ Հայրապետը բարեհաճում է իրեն սեղանակից դարձնել միաբանության, Գերագույն հոգևոր խորհրդի, Վերստուգիչ հանձնաժողովի, «Էջմիածին» ամսագրի խմբագրական կազմի անդամներին և այլ հրավիրյալների:

Ճաշկերույթի ժամանակ Վեհափառ Հայրապետին և Մայր Աթոռի տոնը շնորհավորում են տ. Հայկազուն, տ. Սերովբե արքեպիսկոպոսները, տ. Ներսես Ժ. վարդապետը, «Էջմիածին» ամսագրի խմբագիր Ա. Հատիտյանը և ուրիշներ:

Որդիական երախտագիտության ջերմ խոսք է ասում նաև Կ. Ճընգըտրյանը՝ հայրապե-



Վեհափառ Հայրապետը զահասրանում ս. Գրիգոր Լուսավորչի շքանշանով զարդարում է Կարպիս Ճընգըտրյանի կուրծքը (մայիս 23)

տական բարձր շքանշանով պարգևատրվելու առիթով:

Ճաշկերույթը, որն անցնում է ջերմ միջնորդությամբ, ավարտվում է Վեհափառ Հայրապետի «Պահպանիչ»-ով և խմբովին երգված «Էջմիածինն ի հօրէ» շարականով:

